



CONVENIO DE COLABORACIÓN ENTRE A CONSELLERÍA DO MAR DA XUNTA DE GALICIA E A ASOCIACIÓN DE FABRICANTES DE CONSERVAS DE PEIXES E MARISCOS (ANFACO-CECOPECA) PARA A PROMOCIÓN E A MELLORA DA COMERCIALIZACIÓN DAS CONSERVAS DE PRODUTOS PESQUEIROS

En Santiago de Compostela, o día 5 de abril de 2017, na sede da Consellería do Mar,

REUNIDOS

Dunha parte, a Conselleira do Mar, Dona Rosa María Quintana Carballo, de acordo co Decreto 148/2016 de 13 de novembro, polo que se nomean ós titulares dos departamentos da Xunta de Galicia (DOG Núm. 217 de 14 de novembro) investida das facultades conferidas, polo artigo 34 da Lei 1/1983 do 22 de febreiro, normas reguladoras da Xunta e da súa presidencia, e o artigo 2 da Resolución do 8 de abril de 1991 pola que se fai público o acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, actuando en nome e representación da Xunta de Galicia,

E doutra, D. J, con DNI n.º, en representación da Asociación Nacional de Fabricantes de Conservas de Pescados y Mariscos – Centro Técnico Nacional de Conservación de Productos de la Pesca (en adiante ANFACO-CECOPECA), coas facultades recoñecidas na escritura de apoderamento de data 30/07/2009, outorgado ante o Notario do Ilustre Colexio de Galicia, D. J e co n.º de protocolo

EXPOÑEN

PRIMEIRO:

Que a actividade pesqueira, marisqueira e acuícola é un dos principais motores da economía galega que sitúa a Galicia, pola riqueza da súa produción, como a primeira das comunidades pesqueiras da Unión Europea.

SEGUNDO:

Que o Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento lexislativo e a execución da lexislación do Estado no ámbito da ordenación do sector pesqueiro. Neste sentido o artigo 3.4 da Lei



11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, aos mercados, á comercialización, á manipulación, á transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar.

Neste sentido a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

TERCEIRO:

Que a ANFACO-CECOPECA, asociación representativa, sen ánimo de lucro, da práctica totalidade do sector conserveiro dos produtos pesqueiros, conta entre os seus fins a realización de todas aquelas accións encamiñadas á promoción dos produtos derivados da pesca, o marisqueo e a acuicultura. Sendo a única asociación do sector conserveiro, capacitada para executar o investimento inmaterial obxecto deste convenio de colaboración, polo que non sería posible promover a concorrencia competitiva con outras asociacións do sector.

Que por canto a Consellería do Mar e a ANFACO-CECOPECA están interesados na potenciación do sector da conservación e transformación dos produtos pesqueiros en Galicia, así como na mellora da situación socioeconómica das xentes que viven desta industria, polo que cómpre establecer as condicións que permitan a coordinación de accións de promoción das conservas de produtos pesqueiros.

No marco do presente convenio desenvolveranse diversas accións de promoción do sector e mellora da comercialización: xornadas claves de futuro para o sector, elaboración dunha guía de sostibilidade, clases maxistras de cociña, elaboración dun libro receitairo, unha guía de exportación- importación e unha base de datos de lexislación sobre calidade e seguridade alimentaria dos produtos pesqueiros.

CUARTO:

Que as partes anteriormente referenciadas consideran de mutuo interese a realización dunha serie de accións que redunden nunha mellora do sector conserveiro e as

industrias relacionadas en materias tales como comercialización, promoción e fomento do consumo de produtos transformados.

QUINTO:

Que para o desenvolvemento das actividades que se indican máis adiante, as partes, de forma conxunta, dispoñen de medios humanos e materiais suficientes.

Na súa virtude, e dada a existencia dun interese coincidente, ambas partes acordan formalizar o presente convenio de acordo coas seguintes

CLÁUSULAS

PRIMEIRA.- OBXECTO DO CONVENIO.

O obxecto do presente convenio é establecer as bases de colaboración entre a Consellería do Mar e ANFACO-CECOPESCA para a coordinación de accións de promoción das conservas de produtos pesqueiros e a mellora da súa comercialización. As accións específicas que se van realizar derivadas deste obxecto son as que seguen:

1. Xornadas sobre claves de futuro para o sector

O sector industrial transformador e conserveiro de produtos da pesca e da acuicultura de Galicia no contexto actual, ten dada vez maiores esixencias empresarias que deben ser atendidas para así lograr un crecemento i expansión do sector.

Para poder abordar estas esixencias empresariais, considérase axeitado realizar unha serie de xornadas coas seguintes temáticas: internacionalización, competitividade, seguridade, calidade alimentaria e innovación.

2. Elaboración dunha Guía sobre Sostibilidade

A Sostibilidade estase a converter nunha ferramenta clave na actividade empresarial dunha empresa. Por elo, considérase necesario elaborar unha guía que inclúa todos os aspectos claves para unha empresa, tendo en conta os tres principais piares: medioambiental, social e laboral.

3. Clases maxistras de cociña

Os produtos do mar son un elemento esencial para poder levar unha vida saudable e coas conservas de peixes e mariscos, os consumidores poderían lograr cubrir unha grande parte das súas necesidades diarias de proteínas e vitaminas, pero moitas veces o problema que teñen estes consumidores é o saber como poder preparalas.

Por iso, considérase cada vez máis importante ensinar como poder elaborar e presentar pratos con conservas de peixes.

O público obxectivo para estas clases de cociña maxistras serían non só os “cociñeiros do fogar”, senón tamén os cociñeiros da restauración ofrecéndolles ideas e receitas de elaboración e presentación con conservas de peixes e mariscos.

4. Elaboración dun Libro receitairo

As recomendacións e directrices pra levar unha vida san están a orde do día. Por elo, a elaboración dun libro –receitario con propostas culinarias para todo o ano, parece moi axeitada. O libro será elaborado tendo en conta as directrices de AECOSAN (variedade, aporte calórico segundo a estación do ano, limitación de sal, maximización do binomio beneficio- risco, idade, estilo de vida,..), con datos adicionais sobre o valor calórico, incompatibilidades, alerxias, estratexias para minimizar os refugallos, dispoñibilidade e idoneidade estacional dos peixes e mariscos, sostibilidade e referencia aos produtos pesqueiros galegos.

5. Guía de exportación- importación

O comercio internacional é neste momento actual unha estratexia comercial imprescindible en moitas das empresas do sector transformador e conserveiro de peixes e mariscos de Galicia, onde cada día existen novas normativas e requisitos que dificultan ás empresas galegas poder levar a súa labor comercial de maneira eficiente. Por estes motivos a realización dunha guía de exportación- importación, onde se reflectan os problemas máis frecuentes e como poder darlle solución pode ser de gran axuda para o sector.

6. Base de datos con lexislación sobre a calidade e seguridade alimentaria dos produtos do mar

O coñecemento por parte das empresas da lexislación que está en vigor é moi importante para que o sector poida estar sempre ao día na normativa que ten que cumprir. A base de datos de lexislación recollerá a normativa de calidade e seguridade alimentaria

dos produtos do mar, e servirá como instrumento de consulta e traballo as empresas do sector. Ademais, elaborárase unha memoria actualizada que incluíra un apartado de preguntas frecuentes, ligazóns a lexislación específica e a documentos de interpretación de diversas fontes, como DG Mare, AECOSAN, etc.

7. Promoción do sector de produtos do mar na feira ANUGA 2017

O mercado alemán é un mercado con gran recoñecemento e representa un dos principais importadores de produtos da pesca a nivel mundial. Como é de todos sabido, os produtos transformados da pesca de Galicia son uns produtos dignos do padal máis delicado. Por iso considérase axeitado realizar unha presentación de produtos a importadores de produtos da pesca en Alemaña durante a celebración da feira internacional de alimentación, ANUGA, que se celebrará na cidade de Colonia, do 7 o 11 de outubro de 2017.

SEGUNDA.- CONDICIÓNS ECONÓMICAS.

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar a ANFACO-CECOPECA polos gastos nos que incorre como consecuencia de levar a cabo as actuacións obxecto do convenio, cifradas na cantidade de SESENTA E SEIS MIL SETECENTOS NOVENTA E DOUS EUROS (66.792,00 €), con cargo á aplicación orzamentaria 2017.14.02.723B.640.0, código de proxecto 2016 00286S, dos presupostos xerais da Comunidade Autónoma de Galicia para 2017, sendo esta partida económica axeitada para asumir o custo desta acción por considerarse pola súa propia natureza como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais de carácter material.

As actuacións recollidas no presente convenio son financiáveis, nun 75 %, co Fondo Europeo Marítimo da Pesca (FEMP). Faise constar tamén a elixibilidade da actuación que se pretende a través da contratación que se propón no marco da Prioridade da Unión, Obxectivo e Medida do FEMP: 5.1.3: Medidas de comercialización, prevista no artigo 68 do Regulamento (UE) 508/2014, do 15 de maio. Esta participación farase constar en todas cantas actuacións se realicen ao abeiro deste convenio.



ANFACO-CECOPESCA empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

Poderanse facer pagos parciais contra da presentación das facturas polos investimentos inmateriais realizadas, ás que se xuntarán as memorias de cada actividade e as certificacións actualizadas expedidas por cadansúa administración que acrediten que a entidade está ao corrente nas súas obrigas tributarias e sociais, así como que non ten débedas pendentes contraídas coa administración da Xunta de Galicia. As facturas deberán ser conformadas pola Dirección Xeral de Pesca, Acuicultura e Innovación Tecnolóxica para estes efectos.

Para facer efectivo o último pagamento presentarán a memoria final á que se fai referencia na cláusula terceira seguinte.

TERCEIRA.- OBRIGAS

ANFACO-CECOPESCA obrígase a realizar as accións especificadas na cláusula primeira do presente convenio.

No marco do presente convenio, ANFACO-CECOPESCA obrígase a facer constar a participación da Consellería do Mar nas exhibicións publicitarias que teñan lugar no marco deste convenio.

Finalmente presentará diante da Consellería do Mar unha memoria descritiva da realización do obxecto do convenio.

CUARTA.- RÉXIME DE PERSOAL

A realización das actuacións previstas neste convenio non levará consigo ningún tipo de relación de carácter laboral entre a Consellería do Mar e as persoas que interveñan ou puideran intervir na súa execución, sendo a ANFACO-CECOPESCA responsable das obrigas sociais e laborais que se puideran derivar da contratación, pola mesma, do referido persoal.

QUINTA.- SEGUIMENTO.

Aos efectos de coidar do cumprimento de estipulado no presente convenio créase unha Comisión de Seguimento do mesmo, que estará composta polo xefe do Servizo de



Mercados, en representación da Consellería do Mar, e pola responsable de Promoción de ANFACO-CECOPECA. A dita comisión, que se xuntará a petición de calquera das partes, será o mecanismo de actuación conxunta para garantir a efectividade do convenio.

Neste senso, ANFACO-CECOPECA atenderá ás indicacións, suxestións e requirimentos que se lle formulen desde a Consellería do Mar en relación co obxecto do presente convenio.

SEXTA.- VIXENCIA.

A vixencia do presente convenio estenderase desde a súa sinatura e ata o 30 de decembro de 2017, non sendo susceptible de prórroga.

SÉTIMA- RESOLUCIÓN.

Serán causa de resolución do convenio o mutuo acordo das partes e o incumprimento das cláusulas contidas no mesmo.

OITAVA.- CARACTER DO CONVENIO

Este convenio ten a natureza dos previstos no artigo 4.1.d do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público e o seu réxime xurídico virá determinado polas estipulacións previstas no propio convenio e os principios xerais resultantes da citada Lei.

NOVENA.- LITIXIOS.

As cuestións controvertidas xurdidas sobre a interpretación, modificación, resolución e efectos que puideran derivarse da aplicación do presente convenio deberán ser solucionadas pola Comisión de Seguimento á que se refire a cláusula quinta anterior. Se non se puidera alcanzar dito acordo, as posibles cuestións litixiosas serán de coñecemento e competencia da orde xurisdiccional contencioso- administrativa.

DÉCIMA. AUTORIZACIÓN PARA A PUBLICACIÓN DOS DATOS DOS ASINANTES NO PORTAL DE TRANSPARENCIA

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e mais no resto

das especificacións contidas no mesmo poidan ser publicadas no Portal de Transparencia e Goberno Aberto.

E para que así conste, en proba de conformidade e previa a súa lectura, as partes asinan o presente convenio por triplicado exemplar e a un só efecto no lugar e data ao comezo indicados.

Pola Consellería do Mar

Por ANFACO-CECOPESCA

A CONSELLEIRA

O secretario xeral

Rosa María Quintana Carballo